

康對山先生集

康對山先生集卷之十六

七言律詩

送空同子還山

相逢復去豈不惜，柰爾翩翩羽翰長。  
青春辭闕意無限，皓首著書情未央。  
柳色全歸燕子日，菊花偏發野人鄉。  
紅塵亦有思歸者，莫道雲山路渺茫。

聞仇將軍進伯

將軍勇略今所無，潛誅兇孽靖邊隅。  
自慙功成無厚賞，卻意事定有大敷。  
千年幸不作囚虜，一旦即能垂畫圖。  
猶有長安曹鎮守，聖明何日放歸湖。

醫官家兄同太學舍姪携酒過潁西山房

醫官提舉新乘暇太學諸生偶在鄉共轡到來俱送  
酒通宵歡飲又何妨沿溪旋捉魚偏好就砌新挑蕨  
正香醉卧茅階醒復醉漢陵隋闕總茫茫

日暮登唐山

幽居無事客來稀獨上高峰歎落暉將相往時誇丙  
魏瘡痍何日靜郊畿溪雲耿耿來還去野燒層層顯  
更微五字便如陶謝手一生終媿侍臣衣

西城雪霽

鷄鳴喔喔望孤城星斗滿天初雪晴三月茶蘼已欲

爛九日茱萸那得生  
關外豺狼正吞噬  
山南戈戟豈縱橫  
冥冥未歇千里目  
落落空含一飯情

荅王子衡

一別那堪又六年  
相逢相餞轉淒然  
返耕我異陶彭澤  
治吏君過韓潁川  
碧巖喜回千里色  
青驄好去九峻天  
從來戡定須豪傑  
早為黎民解倒懸

和仲木底張道中之作

李白乘春過向予  
岑參緣客亦傳書  
眼前物色近俱好  
身外愁懷新更除  
盃酌同君紆野况  
烟雲隨我卜郊居  
唐山武水猶堪賦  
何日重來問草廬

荅朱升之

白酒黃鷄蒲更新  
汴東今日有高人  
孤雲杳杳崑山麓  
鳴雁雖離向水濱  
微醉漫歌恒薄暮  
幽懷長咄動經春  
隨時頗覺風塵冗  
習靜寧嫌虎豹隣

有懷凌谿子

一代風流不數人  
偶然相見即相親  
才如管樂應無敵  
詩似曹劉更有神  
旌節幾時廻北地  
逢迎終日望西秦  
明珠白璧君休惜  
還望重來細討論

醉後與符上玉坐汴西別業

與子相逢願不違  
烹鷄漉酒逢殘暉  
山花著花小猶

爛河柳垂條柔更依共覩芳春當盡醉細尋勝地莫  
空歸蘭亭被襖真吾事明日還應歷翠微

答何仲默見寄

罷棄自非明主意還耕仍幸此生餘異鄉擾擾方戎  
馬惡俗悠悠况蘭子習靜元鄉先有宅匡時伊陟未  
收書君憂臣辱齒來遠笑我秋山已隱居

楊子別業洞中

楊子年來樂隱居洞中收盡古人書長歌短詠誰能  
侶幽賞高談我不如常以尊壘歡野客不將筆札惱  
公車世情物態皆能曉爭肯臨淵更羨魚

夜同李給事覽毗楊子別業巖谷

玉宇星光接絳河  
蒼山佳勝益嵯峨  
前峰隱見雙龍曲  
後谷盤旋萬鷺渦  
羨爾能開蔣詡逕  
嗟予未知楚狂歌  
松陰眼底成千畝  
何得秋風日數過

徵酒隣翁煎羊隱居諸子

聞道南陽縣已屠  
甘泉榆塞盡防胡  
殊方戰伐無虛日  
此地生靈猶坦途  
不寐夜中看太白  
有衣隨處典青紵  
知爾近醅黃菊甕  
好携同我飲鷄雛

寄張汝霖

憶昔同看上苑花  
如今飄泊各天涯  
君膺節鉞紆綬

策我托山林戀物華郭老有才有才終服虜邵生無技但  
鋤瓜音書闕畧相思切徒倚星河望使槎

送王士英

三年作縣極風塵兩過長安問我頻德化應同程伯  
子恢寃真似許清臣高才本為昌時出異數難同鄙  
俗論青鎖烏臺俱得意官輪吏索絕愁人

四月十七日予在解梁夢北山子是日北山子  
初度

踪跡年來歎影泊此身何事又天涯思君已自繁雙  
淚念我同誰坐萬花旬旬幸完兒女事風流空博世



俗誇計程下潯方西邁此日何能贈九華

寄東氏兄弟

再別荀龍已七年窮冬一見興翩然開軒酌酒意無  
盡列妓鳴絃宵可憐華髮總輸新歲月春風仍識舊  
山川相逢頃刻相離遠不及天邊雙白鶩

田園慢興

新春自課田園事稚子牽衣看柳條嫋嫋露枝將欲  
發依依雪片未全消平原命駕看山久別墅開尊賞  
酒遙爛醉不知明月上東風有意向人飄

送蕭汝弼

關西文學故知名渭北親交更有情獻策未收王粲  
譽論詩已似項斯青春雲覆檻晴猶濕午雪搏風暖  
更輕此夕同君暫相賞明朝何處覓虞卿

戲文浮山

一日逍遙盡室飢老來辛苦更緣誰交情輕薄世途  
湓古道寂寥人事非即有隣翁能貰酒須知短髮已  
成絲青蚨母子無消息莫信相逢勝昔時

寄近山尚書

城南樓子俯晴郊樓北虛亭燕作巢山水遙當丘壑  
盛風烟遠接水泉交幾時再到重呼酒它日還期更

結茅別後春花又秋月不堪人事日膠膠

戒裝

定以明朝訪淺陂美人清興世誰知山連紫閣周圍  
好路入白雲遠近苛稅駕直拚秋色盡卸盃須過菊  
花時生涯爛醉誰拘束阮藉劉伶是我師

命酒

積雨已晴秋事闌笑而不言看碧山雲霞乍散眼還  
開泉石初臨心更閒獨酌微吟情自適歸牛去馬意  
相關呼童更作娑娑舞絕勝王家雙翠鬟

有客

有客相邀入酒家  
桃蹊竹徑亦堪誇  
門迎斜日迷歸鳥  
檻過輕霜散落花  
對月總欣盃泛蟻  
聞歌偏惱蝶鳴笳  
堆盤何必銀絲脍  
遣興今移長者車

遣興

空堂風雨日相催  
老景陰晴絕可哀  
抱病漸於詩律廢  
緣愁常是接離杯  
胡奴撲棗衝泥去  
野客供薪冒濕來  
黃菊青藜終寂寞  
綠醅碧碗為誰開

晴

秋來一雨乃許長  
半月何曾瞻日光  
千家落落有誰好  
四壁寥寥唯土香  
今朝晴霽喜欲倒  
後去柴薪須

自防階前飽濕水不滲雲氣彷彿如瀟湘

再寄李承格

寶昌為別動經秋世道蕭條常百憂經畧君從西土  
去安危誰為北門留狗偷鼠竊中原劇女課男徵萬  
井愁制帥安時饒計策竟絃終日醉南樓

再寄李夢弼四首

李子文章我所無清秋相憶轉蒸蕪  
總因潦倒停詩句不為佯狂學酒徒  
幾夜夢魂同笑語常時書札枉  
郊墟西風落日思君處愁對亭西雙翠榆

富貴浮雲是我心狂歌縱酒近逾深  
欲將氣節高天

地肯使行藏愧古今物色便能勤紫極夢魂爭肯出  
青林此曹嘖嘖還相污不報任安自不禁

子厚原曾附叔文野人何以愧朱雲十年肯說升沉  
事一旦真為玉石焚幸尔優游歸舊壠即須慷慨待  
餘燠英雄本屬男兒志失跡悲歌非所聞

平泉消息近應多徃歲曾通一使過鴻鴈影寒君念  
否青雲氣盡我如何愁長謾對茱萸酒思極還為懊  
惱歌瑋碗金波雖適意姚江歸去亦婆娑

醉後

此日悲秋強自寬年時伏枕不曾歡芙蓉映水枝枝

直楊柳驚風簇簇殘空有小姬能送酒却無高興只  
凭闌蜃樓海市朝朝異始信人間行跡難

雨中同于鵬夜坐

煖泉一別又經年惆悵當時廬女絃宴罷衝泥吾獨  
去酒酣拂劍子誰憐今來喜值清秋月後會應無白  
露天細雨孤燈休更睡與君同賦白鳩篇

寄明叔

聞君課最神京去大約當於八月天人事已無囊裏  
白世情誰識甌頭玄諸公偃仰俱休暇賤子憂虞獨  
黯然明日南來須問訊期君同扣九華篇

南齋

南齋獨坐雲漸開  
拭琴書謝酒杯  
幽人遺世有佳  
况狂客衰時無俊才  
寂寞愁看王粲賦  
風流喜上葛洪臺  
畋漁自足浮止事  
貧賤何心厭草萊

初度日

今年忽報四十五  
七十還饒廿五年  
賓客酒尊嘗漫興  
山林佳氣正無邊  
朱絃欲度陽春曲  
碧樹先張翡翠筵  
誰道猖狂如阮籍  
逍遙已負漆園篇

北山中丞過訪喜聞近山尚書消息

尚書何事避吾廬  
水北山房訪隱居  
豈為主人憂濁



酒定愁關吏扣中車新詩卷裏吟湏滿舊約年來半  
已虛珍重西堂秋月上金波綠液細躊躇

懷北山子四首

雨中間坐數交遊豈弟誰如君獨優愛客由來輕尺  
璧閒居那肯揖諸侯堂開寶穡虛千石戶揭明農已  
十秋恨不層軒終日對烹茶漉酒慰離憂

前年同作瑤山遊紫閣圭峯觸處優勝地總輸中執  
法家家應笑武安侯虛堂鼓瑟龍潭晚絕壁傳杯燕  
麥秋已辦肩輿重過訪鏡中華髮莫須憂

西湖誰羨子瞻遊王屋今於阮氏優既有濁醪當入

口那知竒骨不封侯眼前筋力全非昔鏡裏容華半  
已秋水北山房風月地會須日日坐銷憂  
老來不作帝京遊事定方知故里優七貴何如湖海  
客三良幸似醉鄉侯雙鬟解作巴渝舞短笛須乘蘆  
狹秋山寺風煙徒夢想相逢未去是吾憂

來壽王小山宴集

二十年來別帝都長安今見汝陽餠花前小飲來仙  
醴月下徵歌喚玉奴誰拖蛟龍眠桂窟我隨笙鶴上  
蓬壺明朝有約如相憶但向雲間望白榆

元日

今日老夫添一年堂前稚子舞翩翩總教華髮映碧  
盞且吸金波鳴素絃玄武誰裁五色詔青谿我愛百  
花天南山采藥東山醉不信蓬萊更有仙

十七日早晴呈長洲家叔兼懷舍弟總充

令節空過又一年幸能窺月豈須圓陰晴大抵無前  
算顯晦分明托上天已拂朱絲翻逸譜好拚綠酒慰  
華筵嘉州不久應歸至骨肉從今賞更偏

作屋

彭麓新開十畝陰茅堂結構喜深沉聊為野客追遊  
地敢擬名都翰墨林老去盡將書卷廢秋來惟聽脊

鵲吟修篁叢菊隨吾意濁酒清尊盡日斟

破悶

兩劇窮秋傷客心重陽何處可登臨  
堦前碧草垂垂細檻內黃花疊疊深  
便有隣翁相對飲即無野客促行吟  
可憐事異陶彭澤短笛長簫更不禁

馮秀才為予畫像成姜明府携酒見過

老去衰容畫易成踈慵空自羨餘生  
敢勤仙令過相問切愧山人乏款迎  
白髮未從圖上識朱顏先向鏡中更  
多情惟有雙筇杖日日相將沂上行

岐東亭子謝諸公飲餞二首

城東亭子勞相送楊柳含風巧趁晴節物於人豈無  
意尊壘當此合須傾秦姬並奏陽關曲洛女爭為戲  
馬行莫道尚餘山寺約春風三月更尋盟

郵亭酒暖鬱金香舞伎釵亶翡翠粧老境風流須忝  
謝長天笙鶴謾思王蒼山不掩芙蓉色碧澗爭浮蟾  
蜨光醉擁籃輿吾欲去相思空憶德星堂

得粹夫書

十七年來別情三千里外惜群鳴開緘不覺懸雙  
淚欲見還知隔一生王屋空聞小酉宅終南今作漢  
陂行舊時多少雲霄客屈指何人記昔盟

看山草堂同東谷子閑坐二首

幾年不作槐安夢日日同君吟草堂老去風流君自得  
新來遊賞我誰妨蒼山故喜粗豪客碧枕何須窈窕娘  
修竹轉青梅欲破絕勝橫笛詠滄浪

草堂東望事偏幽野客相遇樂事稠豈有雄文藏翠壁  
幸分餘席向丹丘青排山色來書榻雲接嵐光入郡樓  
白馬金銜煩借問五侯歌舞幾時收

對雪簡東谷先生

小亭獨坐思悠然雪嶂遙看插遠天童子謾供秦地酒  
佳人誰出廣陵絃泥途歲月憐工部勝地風流想

惠連安得與君重握手深杯徐醉瑤窓前

華州逢初度荅用昭

華州此日逢初度客邸風光殊未央  
姻館賓朋親押座甥家兒女競稱觴  
高真盡跨青鸞至仙侶俱乘彩鳳翔  
身世誰言過半百尚看海水變田桑

寄陳文相憲伯

十年慢憶陳夫子隔歲相逢信不虛  
一別正須勞夢寐三軍自許得吹噓  
驕胡敢恃連環騎神武何須伏道車  
廷議早聞徵少伯東歸幸訪白雲居

除夜與德充陪王中丞惟忠宴東堂聞事有感

中丞問俗夜過予令弟探杯語笑徐嗣歲陽春先到  
否邊方戎馬近何如但須豐稔酬皇德不必艱關動  
使車聞道河西新得利憑誰早上太平書

二日同德充德一拜東原先生

聯鑣東上古邵原雪際依稀見竹門靖節自求三徑  
樂黃公不愛百家村初年總角趨函丈此日浮名盡  
溢恩已見書香歸令子還看光範及諸孫

許西安二首

三月三日開杏花春郊微雨濕融沙晴看翠篠翻風  
細醉挿朱英壓帽斜黃鳥過雲柔弄語白鷗掠水曲



穿涯細推物理堪乘興何必崑崙問斗槎  
草堂鬱鬱俯春川花塢追遊已十年吟事總輸姚著  
作金箋何必李龜年歌翻往日樓烏曲饌出前溪縮  
項鱸幸有諸君俱蘊藉相將那惜酒如泉

符園對月

月上君家桃李園笙歌好醉瑤雲軒  
淚憐極目花光爛莫計催人夜已昏  
林影照杯金瑣碎蟾光穿座玉  
飛翻人生對此應行樂歸去何妨臥鹿門

王明叔東谷草亭

子居東谷吟朝日柰爾猶多芳草心  
盛世獨崇文學

吏衰年休簿大夫簪浮雲不必疑宵漢光燄何嘗礙  
磴林好待中書公事畢共乘玄鶴到瑤岑

贈王念覺

彭麓相過忽四年春風劍佩又朝天離亭不得同沾  
醉槃谷何時更促絃赤驥躡雲輕萬里蒼龍含雨倏  
千川乘時好試經綸手莫負南薰第一篇

壽張舍人父封君

仙郎函詔下金門綵服龍章見濫恩甲子再逢當盛  
日箕裘相紹又賢孫人生適意行俱樂神理綏和道  
益尊遙憶錦堂開宴處天香喜氣兩氤氲

莊上獨坐

野老茅堂蔭竹陰  
曉風晴日散芳林  
方塘半畝杏花亂  
曲徑一條蒲葉深  
行樂遠酤村市酒  
幽居近識廟堂心  
魚簑牧笛終身計  
雪鬢蒼髯任汝侵

三月三日獨步許西寄北山

獨步許西閒杖藜  
巖花墻杏意淒淒  
兒童解事呈新醖  
院宇無塵識舊題  
雲過碧溪春自老  
鷺啼幽樹意如迷  
微吟淺酌全吾道  
起汝翩翩彩鳳棲

登山

攀蘿直上西峯頂  
策杖遙看太白尖  
空有雲烟護靈

窟獨無鸞鶴詣仙嶼深春嶺樹初含籜夏首岩藤乍  
弄纖神藥未成吾欲老誰將花甲問師詹

甲午元日

六十年來衰可憐耳聾頭禿興依然祇緣嗣續翻同  
俗欲就刀圭豈在天人事紛紛他自異幽懷耿耿客  
空傳小姬壓酒聊成醉漫愧莊生秋水篇

送于瑩中都憲

旌旂東下燭民幽節鉞西移見大猷關內獨當天  
下劇雲中誰抱杞人憂群公經畧雖殊昔聖主憂勤  
尚未休邂逅長安聆至論如公方是濟川儔

送崔懋言參政

東臺握手挹清芬  
西墅傳杯愜素聞  
在昔吳兒知叔子  
于今關吏笑田文  
和風膏雨行俱潤  
白日青天久自分  
若見難兄煩寄問  
岱屏靈氣日氤氲

醉贈劉遼州靳成都吳新鄉

四十年前同奮翼  
桑榆歲月又俱長  
芳春若恠看花約  
佳節空憐貰酒狂  
山色周圍開綺障  
鶯聲遠近奏笙簧  
休休景物須行樂  
合醉東皇廿四場

寄西河易中丞

中丞節制得沂公  
頓覺人趨渾噩風  
至治須求漢長

厚民情空望古  
顯蒙關西十載承  
餘福江表三年見  
極功春首俄傳書  
札問渾如磬欵對  
文翁

送石門行邊北還

使相行邊聖意勞  
炎蒸萬里下臨洮  
一人自恤邊關苦  
九鎮爭馴虎豹韜  
拊髀莫須思頗牧  
揚謨先已望  
夔皋昇平有慶明  
良遇欲頌昇平愧  
俊髦

次荅石門相國二首

列陣迎恩介冑雄  
赭袍遙映塞雲紅  
武臣敵慨餘  
虓虎聖主憂時起  
卧龍天上使星臨  
闔外斗間紫  
氣照關中  
長城萬里今增重  
不數平淮一綫功

其二

憶昔聯鑣賦卿雲那看一別竟長分向時狂斐承  
天佑此日優遊托聖君過問獨勤師相意揚休安  
用野人文神京王氣三台接日日隆嵒見紫氤  
九日風雨予亦抱病奮然有作

莫嗟風雨妬重陽五柳先生亦在鄉不分黃花終寂  
寞但歌白雪自徜徉呼童謾學龍山舞喚妓仍為滸  
曲裝人事天時空作惡詎然回得老夫狂

對山集卷之十六

康對山先生集卷之十七

五言絕句

丁丑歲十一月一日得伯循書將以是月見訪得

五言

我卧南牕下黃花遺好音  
嫩人幾時到相思勞寸心  
菊花香爛熳柳條稍衰歇  
坐我白雲軒相將弄明月  
抱靜惱客來獨喜仲容至  
俱是滄海人安計塵俗事  
葡萄釀作酒復置琉璃杯  
共君宛轉歌一日三萬迴  
帶雨入郭門暫宿道傍寺  
半夜雨逾急恨不向君醉  
谷太微清東之作四首



此水遠彌潔此泝晴更嘉請君泝上坐看此水中霞  
君家帝社曲佳勝定無比夕陽原上來此泝亦堪喜  
泝東多楊柳枝枝弄新碧不繫郎君車常拂處士席  
木末載酒來君與坐相酌聽彼幽鳥鳴君心樂不樂

題畫

長裾澹容與散步蒼松下若非鹿門人定是棲棲者  
普緣道中戲太微三首

瀟灑張夫子風流誰可攀雪晴山更好何事欲空還  
雖有故園思其如春水生石門不臨嘯笑殺晉孫卿  
盥與下西坂佳勝益春容泉落蓮花泝雲關玉女峯

與宗文夜坐

芳意老逾篤清談夜不眠與尔若裴迪相遇藍田川

贈湯貢之

湯號開雲

閒雲既無心安能有拘束愧我山林人何時去塵俗

渡渭南望二首

水際孤雲合船頭細浪生青山飛白鷺綠柳轉黃鶯  
客散太微道人歸黑水西臨流麾短賦即景試新題

吳歌

儂如浦中蓮歡如蓮上露不憂朱日晡唯恐狂風妬

古曲二首詩漢陂子

少小織流黃裁為合歡被不得同君着竟如流水道  
人生無百年常思千歲事入門同咲顏出門各分異  
北山庭前竹石各賦一首

看君滿堦竹若成千畝陰月來金瑣碎森爽似君心  
剝石為巨缸植此一峯秀依依夕陰生彷彿墜懸溜  
用昭宅看牡丹二首

此花已盛開我猶醉君酒遙知潁西曲花片大如手  
春色年年似衰客日日改寄與園中花那能不相待

山中夜歸二首

日落萬山暝斷崖人不行籃輿下崇坂依約聽更聲

山外嵐雲斷中天河漢流月明人影見珠露浥征裘

朝希宋出妓二首

筵開不出妓徘徊據空席盧六本傾心何如李太白  
聯輿過別墅接坐散瑤觴不遣清歌出空陳俎豆香

盡二首

三仙煉金丹丹光徹天起那知玄牝門不在爐火裏  
歸牧夕陽洲悠悠穩跨牛笑看江海客風浪逐年愁

別公望三首

宵征鷄未鳴遄歸夜將旦感子慇懃來飲餞白雲泝  
君抱雲霄姿我為葑菲客相見即相知徘徊意安歇

我向武功去煩子贈微吟知君有幽思  
惟予芳草心  
雜賦符園景物七首

梨園

破玉迷歸蝶分香藉綠苔  
曉來吟望處絕勝碧桃開  
杏塢

看君杏花塢疑在鞦韆川  
南映日浮丹萼翻風墜綠甍  
李谿

不是楚苦里滿谿懸素蕤  
森疎明月下遮莫許人窺  
桃巷

春川百樹桃綽約開將半  
為問看花人可似玄都觀

葡萄架

綠苞雖未折清陰已堪想徘徊望東山依依明月上

柳浪

匝岸垂金絲翻風漾晴碧夜來南垞歸相看已盈尺

梅墅

季夏苦炎蒸獨愛玉黃子稍著冰壺中蕭爽快人齒

驪山次壁間韻留寄於騰遠二首

思君不能見空望水西村徒載華山酒憂來獨閉門  
夜深殘月上寒爐尚餘燭安得同心人並坐理瑤瑟

少年

白馬出青門香風散原野一笑擲千金枉殺負薪者  
送別

相逢復相別歎爾優游子三月過瀘洲扁舟疾於駛  
奉迎長洲叔洎諸昆弟賞花值雨不果

已辦花前飲花神豈避人欲將花盡發故著雨留人  
杏花亭小坐

我愛千畝杏逶迤園小亭浮雲日夕靜疊入萬峯青  
柳下觀棋

拂地坐彈碁注酒莓苔上水際暗香來怕是桃花漲  
渡漆

西岸桃花風吹落坡上蕩漾那能還空使心惆悵

鳳麓宴集二首

三月鳳麓下開花  
豐如錦復有同懷人  
云何不歡飲  
不憚山村遠  
探竒石洞深  
行吟紅日暮  
却饒晚風侵  
聞笛二首

初月照山牕  
清興那能歇  
更聞玉笛聲  
恍如臥雲關  
昨日滯上遊  
今在湯泉宿  
如何絲竹聲  
又復在空谷  
歸牧

赤丸匿西陸  
嶺上牛羊歸  
牧童喜牛飽  
笑歌來翠微

別兩山



子是金陵客何時到此州  
一市如曼倩千古誦風流  
昔往

昔往何悠悠今來亦矯矯  
綠樹樓外多紅顏坐中老  
鳳泉夜歸二首

中夜鳳泉發夏衙風亦清  
開簾見林月伏軾聽鷄鳴  
城上柝已罷山中人始歸  
曉光遙入戶稚子未開扉  
自鄜冒雨抵家

濁浪急於駛籃輿懸百泉  
依稀入城郭不似武亭川  
王典簿畫魚

王生画尺鯉鱗鬣皆天然  
終日風波裏何時乘雲烟

孫方伯青芥白芥画二首

雲枝隱隱長素幹團團澤雖承雨露滋生性故清白  
托根當芳園凌霜益屏翳清白君自知何須羨薑桂  
贈李獻吉往靈夏餉軍十首

關中賢聖區芳塵今已謝李杜有遺音惟君可方駕  
君詩清且新予詩燕而雜媿予偃蹇人望望不相合  
相合終幾時君去速於駛中夜相思君不斷如流水  
流水無迴波君子耻微諒若到賀蘭山早擬封章上  
昨夜王衡下伏留見槐榆方內如有事贈子以清萍  
青萍古神物可斷蛟龍骨把向君手中滌蕩但倏忽

豐山集卷三  
君家報主心期與自弱冠嗟彼丈夫心肯緣世情散  
邊計已久廢斯民方困窮倘能畀溫飽急難或可同  
虜騎一南下塞垣千計空倘遇趙充國子與折其中  
君去孟秋節君來擬春分得時報明主離別如浮雲  
病起襟詩十首

往事如電奔來事闇莫曉身遊大夢間百故皆草草  
問問足饘粥官貴厭耳旨如何乞丐人粒蘆未當齒  
田丁無別庖筋力動如駛嗟彼膏粱人少壯先顛趾  
深居靜無事朋友過亦踈假寐玩神理豁然遊太虛  
平生持素心欲以報明主今日忽若茲方來難逆覩

日月如逝波悲思浩無極  
龜勉從初心天意苟不蝕  
蝸牛恃微涎迤邐升崇壁  
笑我山林姿富貴豈其適  
達人重修身志士苦無聞  
身立聞更長即死亦何恨  
六齡作書生廿八廁科甲  
勛業未胚胎氣骨先消乏  
壬戌二月莫策名謁天子  
便有山林思豈期骨相否  
長寧留別秦太守

君作長寧餞予悲萬里行  
離歌姑莫唱唱徹若為情  
馬嵬道中逢林幕來餞

與君已云別安知復遠巡  
高原一以望喜極欲沾巾  
晚趨宜溝

夜深孤月上山凍石淙清彷彿殘雲裏依稀見驛城  
夜抵俞氏宿

星出行客倦風起征馬疲夜投故人宿入門收接離  
賦所見二首

母飢聲已吞兒負呼愈急可憐子母腸三日未曾食  
騎馬誰家郎氣態時千轉回首語所從章臺夜歸晚  
朝用之

青春佳興多城南景堪騰日日望君來君遊最東曲  
有懷粹夫

粹夫古人傑冰玉比襟期四海方戎馬安能遂尔私

和呂子雲槐精舍見憶之作

佳人安可再芳春已如隔明月照宵帷相思兩空劇  
賦得古意二首示扶風趙秀才

碧梳鬱金漿翠袖邯鄲倡徵歌邀客醉四座聞清香  
綠水照明月冰絲雜洞簫主人若韋濟愛客不知宵

許西亭子四首

隔林黃鳥鳴當戶南山翠以茲辭壯遊亦可長年醉  
王生輞川口祖詠歌湖側以吾水許西孰與耶溪北  
羨菁巖新棘儘稼履長畝微風吹襟懷夙心復何負  
山家喜秋色日中秋林坐不聞車馬音詎有虞卿過

子夜歌十首

郎如天上鴻團團向天轉妾如地下石寸心那可卷  
候郎日昏黃郎躍青驄馬章臺明媚嬌爭羨郎妖冶  
十三學裁衣十四學琵琶自謂可郎心不知郎意差  
逝水不可攬郎心不可反子夜夢見郎腹中車輪轉  
人老亦湏死今日生何為求訣辭此去免令守空閨  
昨日是寒食冶遊遍郊野不見儂所歡心緒異同侶  
生男愛身手生女重嬌嬈十四做郎婦十五長分巢  
明珠與玳瑁織羅復流黃本為郎作好今日委關牀  
開窗傍前渚挂鏡選桐枝梧子雖不見桐心常不移

我歌子夜曲曲短意猶長若得微郎耳儂死心不忘

古別離二首代上王內寄

鵲聲高對啼蛛絲傍簾颺開窓盡蛾眉中心復惆悵  
君應何日來儂心今已灰辟如車輪子一刻千萬迴

贈鳳麓還西鄉二首

贈君白紵翳團圓明月光君歸若九月可向匣中藏  
堯花猶未落子向南山去尊酒消離憂莫問宿河處

次韵答別公望二首

舊人別多時驚見新人貌含情不敢言却恐新人誚  
相對日將夕慙慙盡一卮看花過秦苑何似洛陽時



六言絕句

夜與南川對月二首

愛此一輪秋月清輝獨射閒園小酌西堂人醉槐陰  
漸近東軒

裊裊微升東海紛紛遠射踈簾詩就呼童送酒歌餘  
對客掀髯

觀岩下花柳三首

雲外小洲飛鷺岩陰長泝宜春萬樹桃花夾水滿天  
楊柳迷人

水際碧山如畫原頭輕靄霏烟繡草平連漢苑繁花

遠接秦川

力穡又將十載尋春已愜衰年何必雲英勸酒方同

郭泰迎船

渡渭

馬家渡口浮渭烟波一望無涯雲外小舟迴棹泥中

野老停車

東希宋宅西亭子宴集二首

城市山林有此烟霞風月何心旣倩金陵起舞須邀

盧五同吟

酒醉不知日暮月來始信更移清興撩人無寐高情

入夢空思

對山集卷之十七

對山集卷之十七

康對山先生集卷之十八

七言絕句

飲酒樂二首

碧椀金波窈窕歌綠雲紅日醉顏酡西風白石雙岩下北鴈清霜柰夜何

飲酒雖多樂亦多野花香鳥意婆婆朱纓白馬青蓮蓋不及谿田卧綠莎

彭麓山房漫興六首

數頃山田聊自供百年身計未踈慵但教酩酊空齋卧絕勝乘雲遊岱峯

黑水波濤萬尺懸太行王屋詎能先從今杖屨朝朝  
坐坐看青山下紫烟

山居莫怪四無隣田父漁翁悉可親指點新谿搜異  
草安排濁酒薦金鱗

城市閒人訪隱淪烟霞羽客倒綸巾谿頭靜看蕪葭  
影世上誰如自在身

蘋花未老稻花香怪底山童盡日忙暫向薜門收藥  
裹好從籬外鑑秋場

數椽茅屋百年身春裏何須更覓春從此當為彭蠡  
主他時咲殺五陵人

即事

美酒何須玉碗盛  
前溪且喜白雲生  
相將一醉青莎上  
笑殺人間浮薄名

汝誠至三首

西磬新自隴西來  
野客逢迎潯上迴  
爛醉莫嫌紅燭短  
微歌先遣白雲開

去年送子趨華昌  
今日迎君坐草堂  
若待黃花方漫興  
也須桑落慶重陽

中丞節制故能雄  
隴右文章近益工  
難弟難兄分兩鎮  
為霖為雨失群公

寄猷吉

炎威赫赫汗如泉  
秦女彈箏乘曙天  
願逐南風作雲雨  
却令涼思到君前

於潯西同公順兄小酌

長柳萬株高插天  
晴原千尺下臨泉  
金杯欲遣山公醉  
翠袖先調廬女絃

扶風道中十首

郵亭新柳厭春陰  
驛跡黃塵銷客心  
碧水蒼山予未晚  
衰容短鬢爾何侵

小店西頭鳳水波  
東南直下接滹河  
微瀾映日金蟾

細急漲當秋濁浪多

平生不抱越鄉憂老去猶欣汗漫遊今日盡看周故國他時還宅海東洲

鳳泉東是美陽城秦后離宮跡已平細草不知龍輦去城邊日日喚愁生

破屋瀟條才數家短牆無處不飛花平原南下蒼厓出哀壑東廻小徑斜

杏林東望望隋陵樓斗龍從隱地形香火莫悲陵邑吏河山空倚少微星

秦皇不是列仙姿漢帝空懸海上思寶訣此時投驛



聖一集卷之二  
更瑤絃何日下靈廳

許公碑石尚參天科斗消磨不記年父子經綸唐第  
一鄉邦述作近誰先

夕陽隱隱抱孤村知是何王駐馬原龍種自隨彤蓋  
去人烟常傍廐門繁

晴原斜日下山城岸柳園堯喜漸生愛弟善為靈運  
賦老夫何忝少陵行

東侍御宅小樓看山三首

山家終日對烟霞萬頃平林接二華誰把風流誇洛  
杜已將詞賦隘長沙

花奴玉笛彩雲歌日日凭欄樂事多不見汾陽舊時  
宅豈如玉旆浥金波

連年喜作華山遊華郡看山愛此樓萬樹桃花千嶂  
碧分明疑是海東洲

渭南道中二首

飛絮滿天花後殷平原斜日帶青山要知春色宜看  
處不在濃陽密霧間

雨後看山山更佳層崖西望靜無霾天涯芳草芊芊  
綠不及鶯聲感客懷

長安郭門留別錢送諸公

古寺携壺送我行空崦冉冉午雲生烟霄不截長飛  
鳥江漢誰憊掉臂情

華嚴宅亭子宴集四首

芳草名花面面開山光雲氣暗樓臺青春取醉非難  
事綠鬢能歸是絕才

若家亭子華山隈無數名花傍檻開天上玉樓誰得  
見人間卽此是蓬萊

我飲若家醉不辭君才清妙幾人知未須瑋玉歌金  
縷先看銀盤薦鱸絲

桔槔呿啞水如泉種藥栽花近幾年覽景且休誇鄭

谷看詩今已羨長篇

華巖小樓望月

徙倚危闌感慨頗  
月光如畫寂無塵  
掀簾便見山川好  
有此山川要此人

靈寶喜王汝隣見過二首

前年我醉王官谷  
今日君看獼谷花  
設使虞卿還有此  
不妨今日醉君家

往時亦羨襄陵酒  
靈寶春醅更可人  
今日青尊若辭醉  
穠香芳草為誰新

心遠亭集二首

柳浪纖纖拂翠巖蒼林隱隱接靄幽  
開簾獨坐成幽  
討何必仙人白玉崑

老境相逢志益歡不知亭上有春寒  
晴時盛日當行  
樂無那蒼生想謝安

別汝隣

我醉君家五日醒欲將盞海入杯傾  
座中若遣何戡  
唱莫放陽關第四聲

別德敷

榆關兵馬故來強大抵都因節制防  
此日君行看寶  
劍奸為西北靖撓搶邊疆

示德克

昨日予從汴上歸滿天花柳拂征衣却思春色無多  
許好謾相將歷翠微

送徐生

遷客西歸蜀道長洞庭秋去亦徜徉那知一片蛾眉  
月密霧輕雲總不妨

二月九日同德克德一杏花亭集六首

杏花亭上杏花飛咲我看花何太遲明日征車過函  
谷歸時應見子盈枝

前年花發坐亭前劇管繁絃動遠天今日看花朋輩

盡卿杯吟望思凄然

憶昔此亭初試花與君方駕水西涯醉歌花底催新  
釀坐見原頭落晚霞

符郎婉嬖忽能詩亭上慙懃壽我卮却笑陶公無紙  
筆謾將梨栗誣諸兒

老夫筋力漸非前別墅風光自可憐待得函關公事  
了年年沉醉杏花天

醉後題詩滿四墻感時乘興亦非狂年年花發年年  
醉更乞天公六萬場

去年二月九日與德充德一二弟洎子栗過此

各賦小詩數首今日杏花開二弟復至悟省舊  
作有待得函關公事了年年沉醉杏花天及年  
年花發年年醉更乞天公六萬場之句因再賦  
六首

歲歲看花花已飛花神若恨賞來遲今年坐賞花纔  
發却到春風第幾枝

此日庭柯盡著花老夫逸興正無涯崦西莫羨千株  
柳水際先看一帶霞

銀燭輝煌照北堂清尊同汝有何妨行歌正恐花陰  
短鉅盞還從飲興長



繁絃劇管坐花前轉覺春園花可憐若把花枝對明  
月紅英咲殺鏡中天

我醉看歌興灑然不知花影坐中遷須教酩酊同今  
日那許蕭條似去年

繫自歸來頰不違柳邊花底坐忘歸新詩美酒朝朝  
樂莫管春歸花亂飛

和岐東泚西夜歸之作

泚上行吟月下歸露花涼透薜蘿衣風流一似蘇門  
畫直欠當年阮少微

觀瀾亭同太微小酌

冉冉溪雲細欲生  
湔湔春浪噎還鳴  
觀瀾亭上微醺坐  
咲倩瓊瓊理玉箏

宴東侍御園亭醉中走筆二首

燕家小妓石榴裙  
咲酌醪酥把似君  
玉面未從花裡出  
瑤箏先向月中聞

小小亭臺面面花  
晴林夕日散雲霞  
有時對月掀簾坐  
萬里晴暉落障紗

答東侍御

日日看花日日好  
芳心不與花同老  
有時騎鹿華岩頭  
咲指桑田拾瑤草

汴東小酌二首

滯上春光濃更深汴東佳興益難禁  
入桃漫倚溪邊發濁酒何妨月下斟

載酒尋盟莫厭頻韶光忽已報殘春  
臨溪自咲雙蓬鬢不是年時汴上人

許廷臣亭子觀假山

小小亭臺面面山雨餘常見白雲還  
那知斷壁懸崖趣却在紅塵鬧市間

條山麓鋪呂子與蘇守設酒待予  
呂子出示所賦桃花詩因謾成五首

誰謂峯陰春事遲  
亭臺處處有花枝  
芳花自惜春風好  
不道衰翁鬢已絲

弱柳迎風太不禁  
天桃夾岸咲春深  
朝辭函谷尋君至  
羨爾春山方獨吟

十年一見復逡巡  
百歲如斯豈是頻  
不向郵亭飲美酒  
桃花笑殺五陵人

自別承明二十年  
春風三過武亭川  
條山更聽桃花曲  
何啻華陽修竹篇

絕壁香來花已飛  
背岩雲暗濕羅衣  
知君習靜栖山郡  
咲我尋春却釣磯

醉別廷搢二首

君去巴渝春正深  
西堂尊酒且論心  
無端惱殺關山月  
又送征車過漢岑

三十年前舊辱知  
春風歸去見襟期  
即看翠袖擎杯處  
可有相思到鳳池

李戶部克中畢賑北還寄別

西土艱危勤使車  
郡公咨訪過郊墟  
彤庭若問蒼生事  
莫道王克善著書

送虞北山伯俊公甫二首

太嶽山人訪我來  
西岩石室酒初開  
身騎黃鶴欲歸

去閩海蓬壺何處哉

若歸南嶽見方平為道匆匆已半生此後倘成金液  
事好從雲外聽吹笙

西溪亭子登高二首

主人愛客構新亭坐我呼童泛醪醅一曲鳳蕭雙鶴  
下天風吹浪海溟溟

園亭四面列青山水竹中分一徑閑佳節既能留我  
醉西風隨意拂衰顏

送李封君

卻城回首望岐周百二山河入壯遊一水莫歎秦晉

隔雙鳬遠泛閭臺秋

漫興八首

草堂獨坐望秋山  
山色逶迤若可攀  
窮谷希聞佳客過  
深居偏喜白雲閒

葡萄拖蔓作雲棚  
苜蓿堆盤厭海腥  
千首新詞堪漫興  
百年身世但翻萍

炎蒸已盡涼風來  
從此將聽過鴈哀  
節物不常人事異  
憑君休羨郭生臺

濁酒今朝始入唇  
清歌不必更煩人  
坐中既有金陵子  
瑤枕還烹污穴鱗

平生筋力盡於詩老去風流更不疑帶雨常修蔣詡  
徑看山何必夏公藜

髻鬢為文弱冠成便於海內竊時名狂來頗欲吞江  
海志定何須論濁清

前年與客遊華原名公碑碣向天蹲勲庸意操皆如  
此際遇遭逢各有論

最愛高人杜少陵平生行止未踐踏若當尊酒酣歌  
處便有千軍不可勝

酬強長史

汝南老人人未知大隱逃名老向斯七十行年猶作



賦三秦才子莫言詩

自京師下至洛陽有感

夕陽芳草白雲洲  
雨霽樓城翠欲浮  
對酒莫須思故國  
鄴中不見使人愁

艷詞

杏撥朱絃舞袖長  
楊花默默杏花香  
幾時逐得春遊隊  
爛向東風醉海棠

春末有懷世觀伯循仲木三君子二首

晚烟漠漠春山暮  
深封鶯風鶯亂啼  
好景同看不同賞  
銜杯東望意淒淒

疎林斜日雨初晴尚憶秋亭送我行一曲離歌千里  
意空齊獨坐不勝情

戲天澤

曾約抱琴過雨夜夜闌不見子猷來思君豈獨高山  
調笑我誰同濁酒杯

長安留別親友

郵亭雨霽見斜暉酌酒同君立翠微明日天涯回首  
處相思兩地各沾衣

華清亭子同任倅宴集二首

雪滿驪山柳尚青與君瞻眺亦娉婷君看妃子池前

水不醉還應負此亭

伶見籬山倚晴窗候隸篝燈引從鑣莫道山城無樂事野雲明月下歸樵

華州贈東大

病骨那堪冒雪來感君終日坐徘徊明朝欲去愁無限怕見西堂鸚鵡杯

邛郫贈客

西去鄉關幾十程客中相見自多情逢人若問風塵事唯有清癯似長卿

榴封

兩剗參差曲檻前  
穠花深葉望中然  
五侯庭院荼蘼發  
同是看花五月天

扇面

蘆花楓葉滿天秋  
短笛輕簑穩跨牛  
小艇不搖山月細  
淡煙漠漠掩城樓

負者歎

長安城東月如孤  
萬戶笙歌徹廣衢  
息肩仰天空歎息  
前頭忽見執金吾

栽竹喜吳慎之見過

潯西作屋人過少  
種竹悠然見爾來  
知爾定為棲鳳

客願予安有拂雲才

浪店鋪郵亭子觀望巘谷三首示扶風諸君子  
郵亭面面逐山開濁浪湔湔噴地來南折東迴十餘  
里盤龍翔鳳兩三臺

雄壘層崖矗矗分蒼波碧封亦氤氲晴川若不生微  
雨那討平原萬頃雲

逢山遇水亦無窮愛爾尋常小即工若是郎家愛烟  
雨更須卜築最當中

望隋陵

諸弟驩迎野寺邊南山秋色正蒼然隋陵望裏巘嵒

出不似開皇觀卜年

讀中山狼轉

平生愛物未籌量那記當時救此狼  
笑我救狼狼噬我物情人意各無妨

答陳生

客居應有桑乾賦記室新收南嶽詩  
若把洪都望豐鎬風烟終日鬱相思

呂子北泉精舍集五首

自擬重陽醉此樓不堪詩酒作淹留  
狂夫老去情逾放自折黃花插滿頭

月白花黃酒又清長河恨不入杯傾人間富貴同飄  
无何物空教誤此生

自許精誠叶鬼神窮居日日有芳鄰皇天歆錫烟霞  
侶聖主因歸社稷臣

六十五去七旬來歲月無多亦可哀苦向紅塵惱  
菲何如佳節倒金壘

我醉欲眠君莫留明朝還有郭西遊山翁醉後猶能  
賦不羨當年鸚鵡洲

贈涇陽張明府

君今西去與儵然看破莊生第幾篇世事總為兒女

戲浮名休信野狐禪

許西遲舜臣戲成二絕

許西花發遲君看聞到春眠起尚難紅拂若憐花坐  
褪倚欄無語抱鳴檀

夜來殢酒強扶頭為怕春歸乘曙遊何事分司杜夫  
子不憐花意欲含秋



對山集卷之十八